

Powšitkowne WOZJEWJENJA

njedźelu, 21. apryla 2024

Kapałnicy w Ralbicach

Drježdźanski hólči chór kapałnikow wuhotuje tutu njedźelu, 21. apryla, w 14.00 hodź. nyšpor w Ralbičanskej cyrkwi. Wšitcy su wutrobnje přeprašeni. Na kóncu budže zběrka za kapałnikow. W chórze, kotryž je mjeztym starši hač 300 lět, spěwa tuchwilu přibližnje 65 hólcow w starobje šěsć do 25 lět. Do Ralbic přijědže něhdže 35 z nich. Za nyšpor je jeničce Wosadnik trěbny.

Beneficne zarjadowanje

Hudźba a teksty wo lubosći a pokoju steja w srjedžišću beneficneho zarjadowanja, kotrež wotměje so tutu njedźelu, 21. apryla, w 17.00 hodź. w Budyskej tachantskej cyrkwi swjateho Pětra. Zaklinča twórby Felixa Mendelssohna Bartholdyja, Feliksa Brojera a dalších komponistow. Sobuskutkowacy su mjez druhim tachantski farar Wito Sćapan, předsyda Ekumeniskeho tachantskeho wobchoda dr. Peter-Paul Straube kaž tež instrumentalisća, solisća a čłonojo ewangelskeho cyrkwinskeho chóra. Dary zarjadowanja přepodadža pomocnemu projektej Ekumeniskeho tachantskeho wobchoda w Ukrainje. W zapadoukrajnskim Lwiwje spyta socialna załožba „St. Wolodymyr fonds“ ukrajnsko-katolskeje cyrkwe wosebje čěkancam a wot wójny škodowanym ludžom pomhać. Beneficny koncert je kooperaciske zarjadowanje Budyskeje ewangelsko-lutherskeje wosady, Ekumeniskeho tachantskeho wobchoda kaž tež Rotaryjoweho kluba Bautzen/Budyšin.

Wohnjowi wobornicy do Róžanta

Džakna Boža mša wohnjowych wobornikow ze Zarjadniskeho zwjazka „Při Klósterskej wodže“ kaž tež susodnych woborow na česć swjateho Floriana budže pjatk, 10. meje, w 19.00 hodź. w hnadownej cyrkwi w Róžeńće. Wšitcy wobornicy kaž tež hosćo su přeprašeni.

Putnikowanje staršich a chorych ludźi do Róžanta

Putnikowanje staršich a chorych ludźi ze serbskich wosadow do Róžanta budže sobotu, 11. meje. Boža mša zahaji so w 14.00 hodź. Na njej wudžěla tym, kotřiž sej to přeja, žalbowanje chorych. Wot 13.30 hodź. modla so tam swjaty różowc.

Putnikowanje do Hejnic

Wěriwi z Němskeje, Pólskeje a Českeje su sobotu, 11. meje, na putnikowanje wujednaja do českich Hejnic přeprašeni, wuraznje tež Serbja. Boža mša w hnadownej cyrkwi zahaji so w 10.30 hodź. Hłowny celebrant budže Eichstättski biskop a benediktin Gregor Maria Hanke.

Wustajeńca wo eucharistiskich dźiwach

W Kulowskej wosadneje cyrkwi maja hač do wutory, 23. apryla, wustajeńcu wo eucharistiskich dźiwach pod hesłom „Eucharistija je mój puć do njebies“. Wona zložuje so na zběrku zbóžneho Carla Acutisa z Italskeje, kotryž lubowaše jako młodostny kopańcu z přečelemi, kompjuter a hry na komputerju. Na druhej stronje bě wón cyłe swoje młode žiwjenje na zetkanje z Bohom wusměřil. „Přeco z Jězusom zjednočeny być, to je mój žiwjenski program“, wón jónu wopisowaše, što jeho nutřkownje wupjelnješe a kotry zaměr wón měješe. 2006 zemřě 15lětny na leukemiju. W Assisiju pochowany Carlo Acutis je mjeztym zbóžnoprajeny. W Italskej je wón jako patron młodostnych a šulerjow jedyn z najbóle česćowany swjatycho swojeho ródneho kraja.

Črije pjelsćować

Na džěłarničce k pjelsćowanju črijow su wšitcy zajimcy do Smochčanskeho kubłanišća swjateho Bena přeprošeni. Kurs za započatkarjow budže wot štwórtka, 30. meje, do njedźele, 2. junija, dalši za pokročonych pak wot štwórtka do njedźele, 20. do 23. junija. Přizjewjenja přijimuju hač do póndźele, 6. meje. Link je pod www.posol.de podaty.

Wo zelach a rostlinach

Smochčanske kubłanišćo swjateho Bena přeprošuje wšitkich zajimcow na seminar pod hesłom „Mocy rostlinow – dźiwje zela, hojenske rostliny a drohotne esency“. Tón budže wot pjatka do njedźele, 7. do 9. junija. Přizjewjenja přijimuju hač do pjatka, 17. meje. Link je pod www.posol.de wozjewjeny.